

مجموعه ابو الخیر

ماسوا شایه سندن دلی تطهره چالش
بر تو حکمت و عرفان ایله تور و آتش

علوم و معارفدن بحث ایدر. و هر ماه عربی ابتدا سیله اون بشته نشر اونور مجموعه در.

عدد ۲۶ - جلد ۳ [فی ۱۵ محرم سنه ۱۳۰۰] [نهمین ۳ فروش]

بر معترضه مقابله

—

(ترجمان حقیقتده نشر ایشد بریلان بر مقاله در که بعض کمدلری یا کلس ترتیب ایدلش اولمندن بوراده اصلاح و تکرارینه مجبورت حاصل اولمشد .)

کتابخانه مشاهیرک شمیدی به قدر نشر اولنان اجزاسنده این سینادن بشقه مسلمان کوریلهمدیکنه تعجب و بناء علیه بو کتابخانهک کندیلرینه غریبونی کوسترمک مقصدیلهمی یازلدیغنی تعریضاً سؤال ایدن ذات هرکیم ایسه معلوملری اولسون که بنم ایچون غریبون ویا شرقیون نامی آلتنده نه بر فرد ونهده برجاعت وارد . بن بو کتابخانهده ملتجه بیلمسنی فائدهدن خالی کورمدیکم بر طاقم هیاکل انسانیتی تصویر ایتک ایستورم . حتی ایچلرنده صحابه کرامه (رضوان الله تعالی علیم اجمعین) وارنجه قدر افراد مسلمینه اذا وجفاده بولنان فقه باغیده صاحب لوالق ایدن حجاج وقرآن وحیدشدن استنباط ایتدیکی مفاهیم جلیله فی سوء تفسیر ایله باطنی دیلان فرقه ضالیه به پیشوالق ایلیان صبحاح کبی برایکی داهیدهک بولمنسی دخی کندیلرینک — ولو منکرانده اولسون — فردایتله تعارف ایتمش طاقدن یعنی مسلکرنده مشاهیردن بولندقلری اعتباریله در .

بوراسی اکلاشلدیه شورالرینه ده اوکرنک ایسترم که : ترجمه حال یازمق ایچون بش مسلمان اون سکز اجنبی ویا سکسان مسلمان سکز اجنبی انتخاب ایتک کبی برقاعده ویا مجبورت وارمیدر ؟

ثانیاً مطلقاً مسلمانلری اوّل و غیر مسلم اولانلری صکره یازمق ضروریات اموردنمیدر ؟ و بویله بر تقدیم و تأخیر نقص ویا زیاده شرفیمی موجبدر ؟

ثالثاً محرر ورقه (غریبون) تسمیه ایلدیکی ذواتک ماهیاتنی بیلور

ایسه بنده کزک بو کتابخانه بی فرد ایچون چیقاردیغنه دن احتمال وریورده خلقک استفاده سنه تعرض ایدیور؟

رابعاً مرسل ورقه مسلمان و بناء علیه حنفی ایسه رئیس مذهبی او کرنگ ایچون شمعی بقدر کتابخانه مشاهیردن بشقه مراجعت ایده جک واسطه بوله ماشمی؟

خامساً کتابخانه مشاهیر نعمان بن ثابت حضرت تارینک ترجمه حاللری در عهده ایتامش اولسه ایدی عجباً معترض حضرتلری همام مشارالیهک مناقب جلیله لرینه اطلاع ایچون نه یابه جق ایدی؟

سادساً کندیلری بو عقلده یعنی «بز اجانبک تراجم احوالی ایسته میر». مطلقاً بزه بزم رجالزی بیلدیر ملی «اعتقادده ایسه خلقک دخی بویله بر رأی خود سرانه و یا فکر حیثانه ده بولسدیغنه دار ابراز حجتیه قادر میدر؟

سابعاً افندی و یا بک افندی حضرت تارینک حکمی ۶۰ عدد پاره جکئی کیسه لرندن چیقارمغه کچر. فقط بنم کتخدای کیفهیدر که شونی نیچون یازمورسک ده بونی یازیورسک دیمکه کندنده صلاحیت کوریور؟

حالبو که مسئله بونلرک هیچ برینه متعلق دکل. اساس مقصد غرضدر؛ غرض ایسه - بر ادیب طبیعت آزمائک امراض نفسانیده متعلق تشخیصاً - نندن اولق اوزره - وجدانک اویوز علی ایمش. دائماً قاشنیر دائماً قورجالنیر هر نه ایله ستر ایدلک ایستلسه مطلقاً بر طرفدن باش کوستر مرش انظفاسی ایسه صاحبک فنانسه موقوف ایمش. حفظنا الله من هذه المرض.

حاشیه

معترض افندی فلان کتابی یازوب فلان کتابی یازمدیغمن بحث ایلیه جکنه نشر اولنالرک محتویاتنده خطا و نقصان و یا اثر ذهول و نسیان کوره بیلش ایسه آنلری تعیین و اخطار ایتلیدر که اصحاب تحقیقیدن ایسه

ملتک معروف و منفعتنه ارباب اغراضدن ایسه کنديسنک نام و شهرته خدمت ايتش اولسون.

سعيد بك افندی حضرتلرينه مکتوب

سعادتلو افندم حضرتلری
هر کس بیلر وینه هر کس دن اعلا کندم بیلرم که بنده کزله ادبیات
آره سنده کی مناسبت اجله ابدان بعض ذوات ایله حاصل ایلدیکم انستیدن
عبارتدر. حالویله ایکن «حامد بکه جواب عنوانیسه» ترجمان حقیقتده
نشر بیوریلان مقالات علیله رینک بر ایکی فقره سنده نام عاجزانه می -
اقصی الغایات معرفت اولان فضائل ادیبی سایه عرفان واجتهاد لیل احرار
ایلیان - اعظمک تصویر احوالی صره سنده ایراد بیورمه کز (واقعا مشار
الیهک شأنه ایراث نقصان ایتزه سده) بنده کزی حتی اصحاب انصافه وارنجه
هر کسک خنده استهزاسته هدف ایتکدن بشقه بر نتیجه حاصل ایتز. بناء
علیه ذات عالیکز هر نه فکرده بولنورسه کز بولولک بنده کز نه کنیدی
استهزا ایتدیرمک آرزو سنده می؛ نه ده دوچار استهزا اولغه سبب ویره ییله جک
توصیفلری حسن تلقی ایدن طاقندم. چونکه هیچ بروقت کنیدی
اولدیغمن بشقه عد ایتک المدن کلز.

بر طاقم مؤلفاندن نقلاً بر قایج یاپراق مجموعه طولسیرمق و بش
اون ذالک آثارینی بر کتابده جمع ایله آدینی نمونه ادبیات قویمق بر آدم
ایچون حجت فضل و عرفان اولورسه اقلام دولته کی دفترچی افندیلرک
هر بری کثرت مدونات خصوص سنده ابن سیناره پیله ادعای رجحان
ایتمیدرلر. بناء علیه حق عاجزانه مده کی افاداتکزک اساساً مجروح بولندیغنی
بیاندن هیچ بروقت کری طورده هم. باقی ...